

"মিষ্টি বাচ্চারা - ভারতকে স্বর্গ বানাতে বিনাশকালে প্রীতবুদ্ধির সাথে পবিত্র থাকার প্রতিজ্ঞা করো,
এইভাবেই হবে বাবাকে সাহায্য করা"

প্রশ্নঃ - যোগবলের রুহানী ড্রিল শেখার মুখ্য আধার কি ?

উত্তরঃ - এই ড্রিল অনুযায়ী সবার সাথে তোমার বুদ্ধির যোগ ছিল করতে হবে এবং সবার সঙ্গ ভেঙে একাধিপতি বাবার সঙ্গ জুড়ে নাও। যখন তোমার প্রকৃত ভালোবাসা একেশ্বর'এর প্রতি থাকবে, তখনই তুমি রুহানী ড্রিল করতে পারবে। এটাই যোগের শক্তি যা দিয়ে ২১ জন্মের জন্য তোমাদের বিশ্বের রাজস্ব প্রাপ্তি হয়।

গীতঃ - ভোলানাথের মতো, কেহ নয়তো অনুপম ...

ওম্ শান্তি। বাচ্চারা এই গীত শুনেছে। কার এই মহিমা? ভোলানাথ শিববাবার। পরমপিতা পরমাত্মাকে ভোলানাথও বলা হয়। নলেজফুলও বলে আর পতিত-পাবনও বলে। তাঁকে পরমপিতা পরমাত্মা বলা হয়। লৌকিক বাবাকে পরমপিতা বলা হবেনা। পরমপিতা সদাসর্বদা এক পরমাত্মাকেই বলা হয়। আত্মা তার পরমপিতা পরমাত্মার মহিমা করে। আত্মা বলে, ভক্তের রক্ষক অর্থাৎ তিনি, একাধিপতি আবারও ভক্তকে তাদের ভক্তের ফল দেন। ভগবান ভক্তকে কি ফল দেবেন? ভগবান এসে গতি এবং সদগতির ফল দেন। গতি অর্থাৎ মুক্তির প্রাপ্তি হয় নির্বাণধামে। সেই পবিত্র স্থানকে বলা হয় নিরাকার দুনিয়া। আত্মাও নিরাকার। নিরাকার আত্মা এই সাকার শরীর লাভ করেছে। কিসের জন্য? কর্মক্ষেত্রে নিজের পার্ট প্লে করার জন্য। এখন কর্মক্ষেত্রে পার্ট প্লে করতে করতে যে ভারত হীরের মতো ছিল, স্বর্গ ছিল, উঁচু থেকেও উঁচু পবিত্র ভূমি ছিল, তা এখন কড়িসম অপবিত্র ভূমিতে পরিণত হয়েছে।

বাবা, তোমরা সব বাচ্চাদের সৃষ্টির আদি-মধ্য-অন্তের রহস্য বোঝান। আদিতে দেবী-দেবতাদের রাজ্য ছিলো। মধ্যে রাবণ-রাজ্য শুরু হয়ে যায়। দেবী-দেবতারা বাম মার্গে চলে যান। ভারত পবিত্র ছিলো, এখন পতিত হয়েছে। এটাও বোঝাতে হবে। এই পতিত দুনিয়াকে পবিত্র বানান এক এবং একমাত্র পরমপিতা পরমাত্মা, যাঁকে ভক্তরা স্মরণ করে। ভক্তরা পতিত। বাবা এসে যখন সবাইকে পবিত্র বানান, তখন কোনো ভক্ত থাকে না। কেউ ডাকেও না। সত্যযুগে যখন দেবী-দেবতাদের রাজস্ব ছিলো, তখন ভগবানকে কেউ স্মরণ করতো না। ভারত সুখধাম ছিলো, এমন নয় যে ইসলামিক খণ্ড বা বৌদ্ধিক খণ্ড স্বর্গ ছিলো। ভারত নিজেই স্বর্গ ছিলো যেখানে আদি সনাতন দেবী দেবতারা রাজ্য শাসন করতো। যখন দেবতাদের রাজ্য ছিলো তখন ঋত্রিয়-রাজ্য ছিলোনা। এই সমস্ত কিছু কে বসে বোঝান? নলেজফুল গড় ফাদার। উঁনি সত্য, চৈতন্য। আত্মাও সত্য এবং চৈতন্য। এই শরীর জড়, শরীরকে আত্মা চালায়। সত্যযুগে একটাই ধর্ম ছিলো, দেবতা ধর্ম, তো তাদের সংখ্যাও কম ছিলো, তারপরে ঝড় বৃদ্ধি পেতে থাকে। সৃষ্টির আদি-মধ্য-অন্তের এই জ্ঞান কোনও শাস্ত্রে উল্লিখিত হয়নি। সেগুলো সবই ভক্তিমার্গের সামগ্রী। তারা বলেও, হে, পতিত-পাবন এসো! বাপু গান্ধীজীও চাইতেন রামরাজ্য প্রতিষ্ঠিত হোক। তাঁর হাতে গীতা ছিলো কারণ গীতা জ্ঞান দ্বারা পরমপিতা পরমাত্মা ভারতকে স্বর্গ বানিয়েছেন। ওয়ার্ল্ড অলমাইটি অথরিটির রাজ্য ছিলো। তোমরা

ছিলে বিশ্বের মালিক, সুতরাং বিশ্বের রচয়িতা অবশ্যই বিশ্বের মালিক বানিয়েছেন। শিববাবা বলেন, "আমি এসেছিলাম, তোমরা শিবজয়ন্তী পালন করো, তাই না ! পাঁচ হাজার বছরের ব্যাপার ! গীতাতেই ভগবানুবাচঃ লেখা হয়েছে, তাই তো ! ভারতবাসী তমোপ্রধান হয়ে যাওয়ার কারণে ভগবান কে তা' জানেনা। ভগবান হলেন উঁচু থেকেও উঁচু। ব্রহ্মা, বিষ্ণু এবং শঙ্করকেও তিনি রচনা করেছেন। নিরাকার ভগবানের নিজের শরীর নেই। সূক্ষ্ম শরীর হওয়ার কারণে ব্রহ্মা-বিষ্ণু-শঙ্করকেও দেবতা বলা হয়ে থাকে। পরমপিতা পরমাত্মা স্বয়ং বলেন, "আমি রচয়িতা, এরা সবাই আমার বাচ্চা"। আত্মারূপে তোমরা সবাই পরস্পরের ভাই। এমন নয় যে তোমরা সব ফাদার। যেমন সন্ন্যাসীরা বলে, যে আত্মা, সেই পরমাত্মা। না। যিনি পরমাত্মা, তিনিই পরম আত্মা। ড্রামায় পরমাত্মার পার্ট আলাদা। তিনি ক্রিয়েটর, ডাইরেক্টর, করণকরাবনহার ! ব্রহ্মা দ্বারা আবারও আদি সনাতন দেবী-দেবতা ধর্মের স্থাপনা করান। ব্রহ্মাকুমার কুমারীদের তিনি অ্যাডপ্ট করেন। তোমাদের অর্থাৎ মুখ-বংশাবলীদের অ্যাডপশন বলা হয়। তোমরা ব্রহ্মার মুখ বংশাবলী রচনা। পরমপিতা পরমাত্মা ব্রহ্মাকুমার-কুমারীদের এসে পড়ান। তোমরা এখন রাজযোগ শিখছো। এমন নয়, যে আত্মা সেই পরমাত্মা। এই এত কোটি কোটি আত্মারা সব ইমর্টাল অর্থাৎ অবিনশ্বর। এই ড্রামা অনেক বড়। ড্রামার রহস্য কেউ জানেনা। বাবা বসে বোঝান, আমি প্রতি কল্পের সঙ্গমযুগে আসি। এক সাধারণ তনে আমি প্রবিষ্ট হই। এনার নিজের জন্ম জানা ছিলোনা। আমি সেইসব বিষয়ে তাঁকে শুনাই। এনার মধ্যে আমি আসি। এঁনার আমি নাম রেখেছি প্রজাপিতা ব্রহ্মা। আমাকে পতিত দুনিয়াতে আসতে হয়। এটাই এনার অন্তিম জন্ম। ইনি এনার ৮৪ জন্মের পার্ট সম্পূর্ণ করেছেন। ইনি-ব্রহ্মা এবং সরস্বতীই লক্ষ্মী-নারায়ণ হবেন। সরস্বতী কে মানুষ তা' জানেনা। সরস্বতীকে ভগবতী বলা হবেনা। ব্রহ্মার মুখ-বংশাবলী কন্যার নাম জগৎ অম্বা সরস্বতী। সঙ্গমযুগে তাঁকে জগৎ অম্বা কামধেনু বলা হয়। এনাকে (ব্রহ্মাকে) আদি দেব, মহাবীরও বলা হয়। দিলবালাও (উদার হৃদয়) বলা হয়। বাস্তবে, দিলবালা শিববাবা। যিনি বাচ্চাদের হৃদয় জয় করতে, স্বরাজ্য দিতে আসেন।

বাচ্চারা বলে, আমাদের আবারও সদাসুখী বানাও। তাইতো শিববাবা এসে ব্রহ্মাতন দ্বারা তোমাদের হৃদয় জিতে নিয়েছেন। তিনি তোমাদের পড়াচ্ছেন, এইজন্য সুন্দর স্মরণিকরূপে দিলবালা মন্দির তৈরি হয়েছে। সেটা হলো জড় মন্দির। পাঁচ হাজার বছর আগে তোমরা ভারতকে স্বর্গ বানিয়েছিলে, তারই স্মৃতিচিহ্ন এই মন্দির। তোমরা আবারও সার্ভিস করছো, এরপরে জড় মন্দিরগুলো ভেঙেচুরে যাবে। আমি প্রতি কল্পে এক বৃদ্ধ পতিত দেহে এসে তোমাদের পবিত্র করি। এখানে কেউ পবিত্র নয়। এখন অগণিত ধর্ম বিদ্যমান, কিন্তু আদি সনাতন দেবী-দেবতা ধর্মের অস্তিত্ব নেই। যারা দেবী-দেবতা ধর্মের তারা নিজেদের হিন্দু বলে। দেবতা ধর্মের অবলুপ্তি ঘটেছে। দেবী-দেবতার একদম পবিত্র ছিল। যখনই তারা বামমার্গে চলে যায়, তখন থেকেই দেবী-দেবতা বলা বন্ধ হয়ে যায়। দেবতা ধর্মের অবলুপ্তি হতেই হতো। আর তখনই আমি সবার প্রথমে ডেইটি (দেবী-দেবতা ধর্ম) ধর্মই স্থাপন করি। ইসলাম এবং বৌদ্ধ ধর্ম পরে আসে। হিন্দু ধর্ম কবে স্থাপন হয়েছিল ? আদি সনাতন তো ছিল এই দেবী-দেবতা। সুতরাং, ভোলানাথ শিববাবা অপাপবিদ্ধ কন্যাদের বোঝাচ্ছেন এবং তোমাদের ঝুলি ভরে দিয়ে তোমাদের বিশ্বের মালিক বানাচ্ছেন। তিনি একেবারে ভোলাভালা সওদাগর। যখন একজন ব্যক্তি মারা যায়, তার ব্যবহৃত পুরানো জিনিস করনিষেধের #(অগ্রদানী ব্রাহ্মণ)#-কে দেওয়া হয়। বাবা বলেন, আমি তোমাদের যত ময়লা আবর্জনা নিয়ে তোমাদের স্বর্গের মালিক বানাই। তোমরা শিবালয়ে থাকতে। শিব সত্যযুগ স্থাপনা করেছিলেন, এখন পতিতালয়ে পরিণত হয়েছে। আমিই আবার এই ব্রষ্টালয়কে শিবালয় বানাই। বর্ণের রহস্যও বাচ্চাদের আমিই বোঝাই। তোমরা পুনর্জন্ম নিয়ে আসছ আর বর্ণ ক্রমাগত বদলাতে থাকে। মানুষ না বুঝেই বলে দেয়, ৮৪ লাখ জন্ম। বাবা

অনুযোগ করেন, তোমরা নিজেরাই নিজেদের ক্ষেত্রে ৮৪ জন্মের বদলে ৮৪ লাখ জন্মের কথা বলা আর আমার জন্য বলা, আমি সর্বব্যাপী, সর্বত্রই তুমি আর তুমি। আমি তো মোটেই সর্বব্যাপী নই। এই সময় তো পাঁচ বিকার সর্বব্যাপী। সত্যযুগে এইসব ছিল না। ওখানে দেবী দেবতাগণ ছিল। এখন অসুর হয়ে গেছে। তারপর আবার তাদের অসুর থেকে দেবতা বানানো হয়। সেইজন্য বাবা বোঝান, উঁচু থেকেও উঁচু ভগবান তারপর তাঁর রচনা, ব্রহ্মা, বিষ্ণু এবং শঙ্কর। এটা স্থূলবতন যার মধ্যে প্রথমে দেবী-দেবতাদের রাজ্য, তারপর ক্ষত্রিয়-রাজ্য, তারপর বৈশ্য এবং তারপরে শূদ্রের রাজ্য। এখন তো নো রাজ্য, এখন প্রজাদের ওপর প্রজাদের রাজ্য। সত্যযুগে রাইটিয়াস রিলিজিয়ন (নীতিনিষ্ঠ ধর্ম) ছিল। কখনো একে অপরকে দুঃখ দিতনা। ভারতের মহিমা মহান। কিন্তু শাস্ত্রে বিভ্রান্তিকর জিনিস লিখে এর মহিমা হারিয়ে ফেলেছে। প্রাচীন ভারতের যোগ আর জ্ঞান অতি প্রসিদ্ধ। কে শিখিয়েছিলেন? ভগবানুবাচ শ্রীমৎ। কৃষ্ণ নয়। সুতরাং, বাবা বসে বোঝান, আমারও এখানে আসার পার্ট আছে। আমি জন্ম-মরণের চক্রে আসিনা। আমি জ্ঞানের সাগর, সুখের সাগর। এই মহিমা আর কারও নেই। দেবতাদের মহিমা আলাদা। প্রত্যেক অ্যাক্টরের পার্ট যার যার নিজের। সেই পার্ট অনুসারে মহিমা হয়। তোমরা জানো উঁচু থেকেও উঁচু ইনকরপোরিয়াল হলেন গড্ ফাদার। লৌকিক ফাদারকে গড্ ফাদার বলা যাবেনা। সে হদের বাবা, ইনি হলেন বেহদের বাবা। সবাই ডাকে, পরমপিতা পরমাত্মা। তারা মনে করে বাবা এসে তাদের সুখধাম নিয়ে যাবেন। বাবা বলেন, অজামিলের মতো পাপীদের, সাধু ইত্যাদিগণ, সবাইকে আমি উদ্ধার করি, এই মাতাদের দ্বারা। এঁরা শিবশক্তি ভারতমাতা। তোমরা যোগবল দ্বারা সবকিছু করছো। ওইসব কন্যারা এবং মাতারা ভায়োলেট ড্রিল শেখে। এখানে এটা যোগবলের ড্রিল। তোমরা শ্রীমৎ অনুসরণ করো এবং পুরানো দুনিয়ার সবার সাথে তোমাদের ভালোবাসা সরিয়ে একাধিপতি বাবার সাথে জুড়ে দাও। কৌরব যারা, বিনাশকালে তাদের বিপরীত বুদ্ধি আর তোমরা পাণ্ডব, বিনাশকালে তোমাদের প্রীতবুদ্ধি। তোমরা ভারতকে স্বর্গ বানাও। বাবার কাছে তোমরা প্রতিজ্ঞা করে থাকো, বাবা আমরা পবিত্র থেকে ভারতকে পবিত্র বানানোর কর্মযজ্ঞে সহায়তা করবো কারণ এখন মৃত্যুলোকের পরাজয় হবে, অমরলোকের জয়। বাবা তোমাদের অমরকথা শোনাচ্ছেন। তোমরা সব পার্বতী, সজনী। তোমরা বাবার থেকে তোমাদের উত্তরাধিকার লাভ করো। বাবা বলেন, নিজেদেরকে সজনীর রূপ-সৌন্দর্যে গঠন করে নাও। তোমরাই মহারাজা মহারানী হও। এই সকল রহস্য বাবা বসে বুঝিয়ে দেন। বাবাই নলেজফুল, ক্রিয়েটর, ডিরেক্টর। ব্রহ্মা, বিষ্ণু, শঙ্কর এঁরা হলেন রচনা এইজন্য ত্রিমূর্তি শিব বলা হয়ে থাকে। সেইসব লোকে আবার ত্রিমূর্তি ব্রহ্মা বলে। তাঁরা ত্রিমূর্তি শিব, যিনি এই ত্রিদেবের স্রষ্টা, তাঁকেই ভুলে যায়। শিববাবাকে ভুলে নাস্তিক হয়ে যায়। ওহ্ গড্ ফাদার বলে অথচ তাঁর অক্যুপেশন জানেনা। মায়া সবাইকে নাস্তিক বানায়, আমি আবার আস্তিক বানাই। বাবাকে ভুলে যাওয়ার কারণে নিজেদের মধ্যে লড়াই ঝগড়া করতে থাকে।

বাবা বোঝান, এই ভারত ছিল বিশ্বের মালিক, কোনো পার্টিশন ছিলোনা। তোমরা আকাশ, বাতাস, ধরিত্রীর মালিক ছিলে। এখন তো কতো পার্টিশন হয়ে গেছে। কতো ঝগড়া অশান্তি, অমুকে যেন এই হদ অর্থাৎ এই সীমানা পার না করে। ভারত ছিল বেহদের মালিক, হীরেসম। এখন হদের মালিক হয়ে কড়িসম হয়েছে। এটা ড্রামা, প্রত্যেক আত্মা নিজস্ব পার্ট পেয়েছে। কারও ৮৪ জন্মের পার্ট, কারও ২-৩ জন্মের পার্ট। এটা ইমর্টাল ড্রামা যা রিপিট হতেই থাকে। ভারতের মতো এমন পবিত্র ভূমি কোথাও নেই। ঘর পুরানো হলে তো রিপেয়ারিং করাতেই হয়। ভারতই বামমার্গে যায় এবং সেইজন্য ভারতের সামান্য অবলম্বনরূপে সল্যাস মার্গের উপস্থিতি দেখা যায়। এখন তো তারাও তমঃপ্রধান হয়ে গেছে। সবাই পুরানো হয়েছে, আবার তারা এখন নতুন হবে। পুরানো ঘরে কোনো

আনন্দ নেই। বাবা বলেন, তোমাদের সতঃপ্রধান বানাতে আমাকে আসতেই হয়। আমি নিজে এসে ভারতকে জীবনমুক্ত বানাই। বাকি আত্মাদের মুক্তি দিই। বাবা বোঝান, বাচ্চারা, এটা তোমাদের অস্তিম জন্ম। এখন তোমরা স্বর্গের মালিক হও। এটা কতবড় প্রাপ্তি! তোমরা ২১ জন্ম পবিত্র দুনিয়ার মালিক হও। তোমরা শ্রেষ্ঠ আত্মা, স্বর্গের মালিক ছিলে তোমরা। পাপ আত্মা মায়া বানিয়েছে। তারপর বাবা এসে পুণ্য আত্মা বানান। হিসেবনিকেশ চুকিয়ে তোমাদের ঘরে ফিরিয়ে নিয়ে যাবেন। ভোলানাথ বাবা তো লিবারেটর-এর ভূমিকাতেও আছেন, তাই না! বলেন, আমি তোমাদের জীবনমুক্তিধামে নিয়ে যাই। পরমপিতা পরমাত্মা তো সবচেয়ে মিষ্টি এইজন্য সবাই তাঁকে স্মরণ করে।

ভোলানাথ বাবা তোমাদের দ্বারা অর্থাৎ মাতাদের দ্বারা ভারতকে স্বর্গে পরিণত করেন, যার স্মৃতিচিহ্ন দিলওয়াড়া মন্দির। তোমরা সবার অকুপেশন জানো, ড্রামায় কিভাবে সবার পার্ট লিপিবদ্ধ আছে এবং প্রত্যেকে কত জন্ম নেয়! পাণ্ডবরা গুপ্ত ছিলো, যাদব কৌরব ছিলো প্রত্যক্ষ। তোমরা ইনকগনিটো, নন-ভায়োলেঞ্চ শক্তি সেনা, ২১ জন্মের জন্য তোমরা বিশ্বের মালিক হচ্ছে। সুতরাং, তোমাদের তো অবশ্যই মেহনত করতে হবে। প্রতি পদে শ্রীমৎ অনুসরণ করতে হবে। যেইমাত্র বাবার স্মরণ ভুলবে তো জানবে মায়ার গোলা তোমাদের ওপর পড়বে। এইজন্য নিজেদের বাবাকে স্মরণ করতে হবে এবং নিজেকে আত্মা নিশ্চয় করতে হবে। মৃত্যু সামনে দাঁড়িয়ে! পাপের বোঝা অতি ভারী। যতদিন জীবন, তোমাদের পুরুষার্থ করতে হবে এবং অন্য কিছুও যেন স্মরণে না থাকে। এই মৃত্যুলোকে তোমরা ফিরেই এসোনা। দুনিয়ার পরিবর্তন হচ্ছে। যাদব এবং কৌরব তাদের নিজেদের কুলের বিনাশ করেছিল আর পাণ্ডব নিজের রাজ্য লাভ করেছিল। যেমনই হোক, এখন আমরা পাণ্ডবরা বাবার হয়েছি। রক্তের নদী এখানে বইবে। নয়তো পুরানো দুনিয়ার বিনাশ কিভাবে হবে? আচ্ছা!

মিষ্টি মিষ্টি হারানিধি বাচ্চাদের প্রতি মাতাপিতা বাপদাদার স্মরণ-স্নেহ আর গুড মর্নিং। রুহানী বাবার রুহানী বাচ্চাদের নমস্কার।

ধারণার জন্য মুখ্য সারঃ -

১) যোগবলের ড্রিল করতে করতে নন-ভায়োলেঞ্চ (অহিংসক) হয়ে সবার উদ্ধার করার নিমিত্ত হতে হবে।

২) ভোলানাথ বাবার থেকে প্রকৃত সওদা করতে হবে। পুরানো নোংরা আবর্জনা দিয়ে স্বর্গের রাজ্যভাগ্য প্রাপ্ত করতে হবে। পুরানো দুনিয়ার সাথে তোমাদের ভালোবাসা ভেঙে একাধিপতি বাবার সাথে জুড়তে হবে।

বরদানঃ - অবিনাশী অতীন্দ্রিয় সুখে থেকে সবাইকে সুখ দিয়ে এবং সুখ নিয়ে মাস্টার সুখদাতা ভব

অতীন্দ্রিয় সুখ অর্থাৎ অবিনাশী আত্মিক সুখ। ইন্দ্রিয় সবই বিনাশী তো সেখান থেকে প্রাপ্ত সুখও বিনাশী হবে এইজন্য সদা অতীন্দ্রিয় সুখে থাকলে দুঃখের লেশমাত্র থাকতে পারেনা। যদি অন্য কেউ তোমায় দুঃখ দেয় তো তুমি তা' নিওনা। তোমার স্লোগানঃ সুখ দাও, সুখ নাও। না দুঃখ দাও আর না দুঃখ নাও। কেউ দুঃখ দিলে সেটাই পরিবর্তন করে তুমি সুখ দিয়ে দাও, তাকেও সুখী বানিয়ে দাও, তখনই বলবে মাস্টার সুখদাতা।

স্লোগানঃ - অধিক বার্তালাপে এনার্জি অপচয়ের বদলে অন্তর্মুখিতার মিষ্টত্বের অনুভাবী হও।

